

“Ngeih Nyied Ngeih” Dungcai Meizlinz:

# Golaux Haprwenz Vunzlai Angq Raeuh

## 三江梅林千年侗寨“二月二”唱响侗族大歌

□ Gaijbiogb Bujangb ingj Siobhyungz boiz



▲ Ndw gwnz saz ciengq go,  
sing rwenz doh biengzdeih.

龚普康 ingj

▲ Yienj dozmae daemjrok,  
hawj gyoengq hek yawjngonz.

龚普康 ingj

◀ Fouxdohyeh ndeiawj, dauq-  
cawq nyi sing riu.

谭凯兴 ingj

Bineix 3 nyied 2 hauh dwg liggaueq ndwenngieih co' ngeih, Daih 126 Gaiq Ciet Golaux Dungcu "ngeih nyied ngeih" Meizlinz Yangh youq Sanhyangh Dungcu Swciyen Meizlinz Yangh Meizlinz Cunh hoengh banh, gyoengq beixnuengx Dung, Myauz, Yauz, Gun daengj cangndang moqsup gyaundeie comz youq henz Dahyungzgyangh, doeng-gvaq banh ciengq golaux Dungcu, ram vunzguen, ciengj bauqva daengj doenghij hozdung fungsug minzcuz conzdungj gig miz daegsaek neix, angq hoh ngoenzciet "ngeih nyied ngeih lungz ngiengx gyauej" neix, mbaenj ndaw bi moq fwn yinz rumz dingh, gogo fungsou, yienghyiengh guh ndaej bae.

Meizlinz Yangh dwg Sanhyangh gij yanghcin golaux Dungcu swncienz ndaej cieq ndei, cienz ciengq cieq gvangq ndawde aen ndeu, riuzmingz ndaw gih rog gih. Golaux Dungcu dwg gij go minzcuz beixnuengx Dungcu dangdieg youq mwh guhhong, gvaq saedceij ndawde daih cienz daih bak cienz roengz-daeuj, daengz seizneix gaenq miz 2500 lai bi lizsij, dwg seiqgyaiq feihvuzciz vwnzva yizcanj, Meizlinz Yangh 2002 nienz aeundaiej mingzdaeuz ndei "ranzmbanj yisuz vwnzva ndawbiengz Guengjsae", 2008 nienz youh ndaej Guekgya Vwnzvabu soengqhawj aen cwng-

hauh "ranzmbanj yisuz vwnzva ndawbiengz Cungguek". Moix bi youq liggaueq ndwenngieih co' ngeih geij ngoenz seizgan ndawde, ciethoih golaux Dungcu cungj youq Meizlinz hoengh banh, gijneix dwg hangh hozdung ndawbiengz hungloet beixnuengx Dungcu dangdieg gag ok ngaenz comz banh ndeu, gaiq daih'it "ngeih nyied ngeih" ciet golaux Dungcu youq Ciuhsingh Genzlunz bingjsaenznienz couhdw bi 1736 hainduj banh, daengz seizneix gaenq lienzdaemh banh baenz 278 bi.

Ngoenzciet, youq henz Dahyungzgyangh, gizdieg dandah gvangqlangh ndeu, cien boux vunz ciengq golaux Dungcu daw ngoenzciet nauh hoengh hwnjdauj. Daengx mbanj saimbwk lauxnyaec cien lai vunz daenj gij ndangdaenj minzcuz bonjfaenh moqsup gyaundeie haenx, youq henz laeuzgyong, henz dandah, aensaz gwnz dah mbanj ndwn mbanj naengh dwk, youq boux lingxcienq dazyinx lajde, faen baenz lai aen singbous doengzcae ciengq golaux Dungcu, sing go yaep he lumj duzroeg heuh, yaep he lumj duzbid swenj, caiq miz gij sing aenvenz buenxcienq dwk, sing go sepset rwenzred, dawz gij yinx gij ndei cungj yisuz daegbied neix lengilet yienhsag dwk baijyienj youq dangqnaj vunzlai, hawj vunz dingq dwk maezmwd,

yawj dwk da' byaengq. "Gaxgonq youq diegwnq dajgoeng seiz, caenh cij ndaej caegcaeg gag ciengq go Dungcu, seizneix ma daengz ranzmbanj bae daengz gizlawz cungj ndaej ciengq, siengj ciengq couh ciengq, lij ndaej saedyienh le gij siengmuengh buzlan sam daih vunz caemh daiz doengzcae ciengq dem." Vunzmbanj Meizlinz Cunh Loz Yinlenz angq dwk doiq vunz gangj naeuz. Ngoenz haenx, De daiq dahlw 21 bi de Loz Mingzyez caeuq dahlw 4 bi de Loz Yijdingz buzlan sam daih vunz yien fwngz ndwn youq gwnz daizheiq hung cien vunz golaux Dungcu angqyangz ciengq golaux Dungcu.

Youq ndaw ngoenzciet, cawz miz ciengq golaux Dungcu cungj hozdung hung mbouj noix ndaej neix le, lij banh miz fungcingz daegsaek gag miz Dungcu haenx youzbyaij, ram vunzguen youzbyaij, boq venz caijdangz, ciengj bauqva, yienj fouxvenz, gwn ngaiz bak ranz, diuq foux dohyeh, saeciej cieq bauqva, cuengq saz roengz Dahyungzgyangh, yawj cuengq bauqva, hoihaemh feizdong daengj lai cungj lai yiengh fungsug minzcuz hozdung, hawj bouxhek youq ndaw nauhyied angqyangz ndaej roxyiuj fungsug fungcingz ciet hoengh golaux Dungcu mbat ndeu.



▲ Vaij aensaz bae youz, cimh  
baengyoux caencik.



▲ Gij yiengh ram vunzguen,  
caemh suenq gaeuq nauhyied.



▲ Ngoenzciet hozdung lai,  
yienjheiq caiq guh' angq.

龚普康 ingj



▲ Ram bauqva youzbyaij,  
ndaej baij yiengh hoengh nauh.

谭凯兴 ingj



▲ Mwnz ndiep gou cix  
gyaez, ngoenz roengzlae yaek  
dingh.



▲ Vunzmbanj comz dieg-  
dangz, angqyangz youh vuenheij.

谭凯兴 ingj



▲ Gwn donq ngaiz bak ranz,  
sim' angq youh nauhyied.

龚普康 ingj